

四庫全書

史部

欽定四庫全書

史部

欽定歷代職官表卷四十一

給事中<sub>臣</sub>劉涓覆勘

纂修<sub>兼校勘內閣中書</sub><sub>臣</sub>張經田

謄錄<sub>監生</sub><sub>臣</sub>沈毓麟

欽定四庫全書

欽定歷代職官表卷四十一

內務府武備院表

武秦漢魏三國晉宋齊梁陳魏北齊後周隋唐五季宋遼金元明

武備院

武備院

武備院

武備院

武備院

武備院

武備院

武備院

武備院

武備院

武備院

武備院

武備院

武備院郎中主事

郎外員庫鞍北

掌 蓋 司 帷

幕人 士 掌 士

武庫丞 武庫丞 武庫丞 武庫丞 武庫丞

武庫傳小武藏武庫番武庫水  
故蜀水一下大夫水

	軍器少監	提舉司	教習局
	監察御史副使	詳議院副使直學士	副使直學士
鹽運使	都察院同知備用		

同治庚午  
高年  
永

考工令	考工令	考工令	考工令
考工令	考工令	考工令	考工令
考工令	考工令	考工令	考工令
考工令	考工令	考工令	考工令

左右尚書署  
左右尚書令署

武毅者武毅而  
全水 健頤  
西方全福子句  
承 健頤

從領  
尚來  
承

不承 高令 承

[illegible]

承  
後漢  
尚書

天

欽定歷代職官表

1

[illegible]

式帖筆

匠司掌庫司各

矢司弓司

匠人挑  
人五人  
人五人  
人五人  
人五人

司弓矢  
中士  
上士  
下士  
士

司弓矢  
中士下  
上士  
司箭下  
士

府史

府史

主簿

著作典  
事典  
事典  
事典  
事典

錄事

永林  
閑書  
月

辦官  
辦官  
辦官  
辦官  
辦官

文日司  
文日司  
文日司  
文日司  
文日司

內務府武備院

國朝官制

武備院兼管事務大臣無定員卿二人

正三品由侍衛補授一人由內

務府司官補授一人

掌總理陳設

御用武備修造器械及賞賜支放之事初名鞍樓以侍

衛三人員外郎等官掌理順治十一年改為兵仗

局十八年改為武備院康熙五年隸內務府十五

年分為鞍庫甲庫糧庫共三庫三十七年分鞍庫  
為北鞍庫南鞍庫雍正三年侍衛三人定為正三  
品卿職乾隆十四年定為卿二人

郎中一人主事二人委署主事一人筆帖式二十八人

內四庫各三人  
沙河糧作二人

掌本院題奏事件核銷錢糧總理四庫收發文移  
之事郎中康熙二十一年設主事康熙十六年設  
委署主事六十一年設後省乾隆二十二年復設



北鞍庫員外郎二人庫掌二人署庫掌一人傘房掌蓋

三人

初為正六品乾隆四十四年定為戴藍翎

署掌蓋三人

正八品

班領三人

署庫掌一人帳房處司幄三人

三等侍衛銜食六品俸

署司幄三

人

六品職銜食七品俸

鞍板司匠一人

北鞍庫掌供奉

上用鞍轡繖蓋幄幕之事傘房帳房處鞍板作皆屬

焉

南鞍庫員外郎二人庫掌二人署庫掌一人熟皮作司

匠一人

南鞍庫掌官用鞍轡各項皮張雨縵絛帶之事熟  
皮作屬焉康熙十五年設鞍庫員外郎等官三十  
七年分為北南二庫四十三年添設員外郎二人  
初設掌傘帳房頭目匠役催領等員乾隆二十四  
年改為掌蓋司幄司匠員額均先後增定

甲庫員外郎二人庫掌二人署庫掌一人鑄作司匠三  
人

甲庫掌盛甲刀仗旗纛器械之事鍛作屬焉員額  
康熙十五年以復兵績增定

糧庫員外郎二人庫掌二人署庫掌一人司匠一人司

弓三人

六品職銜  
食七品俸

署司弓三人

食八品俸

司矢三人

同司

署

司矢三人

同署  
司弓

髑頭作司匠一人靴皮作司匠一人

糧庫掌弓箭靴鞋糧片之事髑頭作靴皮作屬焉

康熙十五年設員外郎及弓匠協領備箭協領等

員乾隆二十四年弓箭協領改為司弓備箭協領

改為司矢

歷代建置

三代

周禮天官幕人下士一人府二人史二人徒四十人掌帷幕幄帟綬之事○掌次下士四人府四人史二人徒二十人掌王次之法以待張事

周禮夏官司甲下大夫二人中士八人府四人史八人胥八人徒八十人○司兵中士四人府二人

史四人胥二人徒二十人掌五兵五盾各辨其物  
與其等以待軍事○司戈盾下士二人府一人史  
四人胥二人徒二十人掌戈盾之物而班之授旅  
賁及虎士戈盾及舍設藩盾行則斂之○司弓矢  
下大夫二人中士八人府四人史八人胥八人徒  
八十人掌六弓六弩八矢之法辨其名物而掌其  
守藏與其出入天子之弓合九而成規凡師旅會  
同頒弓弩各以其物從授兵甲之儀○繕人上士

二人下士四人府一人史二人胥二人徒二十人  
掌王之用弓弩矢箠矟戈決拾掌詔王射贊王弓  
矢之事○藁人中士四人府二人史四人胥二人  
徒二十人掌受財于職金以齎其工弓六物為三  
等弩四物亦如之矢八物皆二等箠亦如之

周禮考工記治氏為殺矢桃氏為劍函人為甲矢  
人為矢梓人為侯廬人為廬器弓人為弓為天子  
之弓合九而成規

杜祐通典武庫令丞於周官司甲司弓矢等下大夫司戈盾等中士下士蓋其任也

謹案成周有司甲司兵司弓矢司戈盾等官杜佑以為漢武庫令之比至王之用弓弩矢服掌于繕人受財齎工掌于藁人亦皆為夏官之屬唯幕人掌次屬於天官與今北鞍庫所屬之掌蓋司帷為職相近其甲兵戈盾則似今之甲庫司弓矢亦與今韁庫之司弓司矢同而考工記

所載諸工即今四庫所隸之各司匠也周天官  
王府掌王之玩好兵器凡獻兵器受而藏之內  
府云凡齒革兵器皆入焉秋官職金云入其金  
錫於為兵器之府凡此諸職皆與軍器相聯而  
王府內府已為內務府廣儲之職職金所掌亦  
不止武備之事其所云為兵器之府者即在夏  
官司甲司兵等屬中茲故不具載焉

商子來民篇湯武既破桀紂海內無害天下大定



築五庫藏五兵

謹案周禮雖無武庫之名而商子稱湯武築五庫藏五兵則當時儲兵之府亦以庫名即後世武庫所自昉也故淮南子原道訓云葉公入乃廢太府之貨以予衆出高庫之兵以賦民高庫即五庫之類也管子小匡制重罪入以兵甲犀脅二戟輕罪入以蘭盾韜革二戟小罪入以全鈎分宥簿罪入以半鈎無坐抑而訟獄者正三

禁之而不直則入一束矢以罰之美金以鑄戈  
劍矛戟試諸狗馬惡金以鑄斧鉏夷鋸鑄試諸  
土木其云入兵甲犀脅二戟又云入蘭盾鞬革  
二戟又云入鈎金束矢皆當入五兵之庫矣其  
云美金以鑄戈劍矛戟則當如漢考工若盧之  
主作兵器也又考司馬法定爵篇云右兵弓矢  
禦父矛守戈戟助凡五兵五當長以衛短短以  
衛長註云五兵弓矢父矛戈戟也蓋兵器衆多

而以五兵為最要故五兵各設一庫商子所謂  
五兵五庫蓋謂此也周禮夏官司兵掌五兵五  
盾各辨其物與其等以待軍事然則五庫長吏  
當即司兵之屬矣

秦

戰國策天下之強弓勁弩皆自韓出谿子少府時  
力距來皆射六百步之外注韓有谿子弩又有少  
府所造二種之弩

謹案戰國策注謂二種之弩造自少府則秦之

少府當如漢之考工尚方矣漢少府屬官有考

工尚方猶其遺制

漢

漢書百官公卿表少府屬官有若盧

如淳曰若盧官名也藏兵

器品令曰若盧郎中二十人主弩射漢

儀注有若盧獸令主治庫兵將相大臣考工室臣

曰名官為考工

尚方

漢官儀尚方令掌工作刀劍諸物及刻玉為器

等令

丞○中尉屬官有武庫令丞

謹案漢書如淳注謂若盧藏兵器臣瓚注謂考  
工主作器械則是考工主作而若盧主藏也然  
後漢百官志注及玉海謂考工令主作兵器弓  
弩刀鎧之屬器成則傳金吾入武庫是考工兵  
器既藏若盧又藏武庫也考漢書左將軍請召  
王商詣若盧詔獄孟康曰黃門北寺也黃門在  
禁中則若盧亦當在禁中武庫既屬中尉或與  
若盧有內外遠近之殊歟又考若盧有獄攷工

亦有獄漢書劉輔傳共工獄蘇林曰考工也然則考工亦有獄矣考工若盧皆主兵械易匿不詭法令尤密故置獄歟又考工主作兵器尚方亦主作兵器故漢書劉更生典尚方鑄作事韓延壽鑄刀劍鉤鐔放效尚方六典注蔡倫和帝時為尚方令作祕劍皆其事也然尚方又兼作禁器故古今注尚方故事有司南記里鼓漢書哀帝罷尚方御府技巧靡麗之物呂強上疏亦

謂中上方歛諸郡之寶故漢官儀以尚方掌作  
刀劍諸物及刻玉為器而崔寶尚方令歲比諸  
古之玉府也蓋較諸考工所造彌巧而所聚百  
珍尤非外府可擬矣今之養心殿造辦處職近  
于是故與內務府表互載焉

史記平準書武帝時邊兵不足乃發武庫上官兵  
器以贍之

通典武庫署令兩漢曰武庫令屬執金吾

謹案漢杜欽為大將軍武庫令田千秋子為洛陽武庫令武庫令屬之洛陽與若盧之屬禁中顯異若大將軍武庫令則又武庫之屬于大將軍者蓋其職不常置故表志不載爾

漢書高帝本紀七年蕭何治未央立武庫太倉王應麟玉海漢武庫屬中尉執金吾有令丞專主兵器而天子又自有若盧以藏兵器考工室以主作器械考工令主作兵器弩弓鎧之屬器成則傳



金吾入武庫

文選西京賦武庫禁兵設在蘭錡

三輔黃圖高祖斬白蛇劍藏於寶庫惠帝即位以此庫貯禁兵名曰靈金內府

謹案漢制少府若盧考工室尚方之官主藏兵器作器械考若盧兼治詔獄故與內務府之慎刑司篇互見尚方令亦兼掌刻玉為器之事故與廣儲司屬亦互見而武庫令設于高帝之初

後屬執金吾所轄繕治造作皆度大司農錢與少府所屬似不相同故田蚡傳稱蚡嘗請考工地蓋宅上怒曰君何不遂取武庫明武庫與考工不同掌也然攷史記稱邊兵不足乃發武庫工官兵器以贍之則是武庫為天子御用之兵器初不以給行軍之用惟因外兵不足故權發以濟事而所謂工官者意即考工尚方之類故張衡西京賦亦有武庫禁兵之稱是又典主禁

兵之明証也又考工令作兵弩刀鎧成則傳執  
金吾入武庫是武庫中固自有御用軍器之藏  
蓋一官而兩司其事矣茲故詳考職掌並採錄  
於篇中

後漢書百官志太僕卿官屬考工令一人六百石  
本注曰主作兵器弓弩刀鎧之屬成則傳執金吾  
入武庫及主織綬諸雜工左右丞各一人○執金  
吾官屬武庫令一人六百石本注曰主兵器丞一

人

通典後漢有考工令丞置太僕主造兵器成材武庫令

唐六典注蔡倫和帝時為尚方令作秘劍皆有龍泉太阿之目倫器械精密為後世法

謹案後漢以考工令丞成造兵器蓋即西漢考工室之職其屬之太僕者以太僕掌御仗儀衛故併隸之輿服志稱矛戟幢麾弩服藏在庫

即其職也漢又有洛陽武庫自西漢時已有之  
則分主軍國之用而不與御器相關矣

### 三國

通典漢武庫令屬執金吾考工令屬太僕魏因之  
○漢末分尚方為中左右三尚方魏因之

謹案三國官制多承後漢如尚方令主作兵器  
屬少府武庫令屬中尉執金吾魏改執金吾仍  
為中尉而武庫隸之蓋猶前代之制也

晉

晉書百官志衛尉統武庫等令丞左右省○少府  
統中左右三尚方等令丞

唐六典漢武庫令六百石晉因之

通典漢末分左右中尚方晉因之自過江惟置一  
尚方哀帝以隸丹陽尹

謹案晉武庫尚方與漢魏同唯過江省三尚方  
為一後復隸丹陽尹為少異考中左右三尚方

史不言其所掌以隋唐之制例考之中署掌供  
內營造諸職蓋如今之營造司故不列于表惟  
左署掌造弓箭弩戟器仗等則如今武備院  
庫之屬右署掌造甲冑裝刀斧鉞等則如今甲  
庫之屬而東晉併三為一則又合其事于一官  
也

宋齊梁陳

唐六典宋尚書庫部屬官有武庫令掌軍器齊因

之梁衛尉寺統武庫署令丞掌甲兵及吉凶儀仗  
通典宋齊武庫令丞屬尚書庫部梁陳屬衛尉卿

○梁官三品曹位北武庫丞南武庫丞

宋書百官志宋武帝踐阼以相府部配臺謂之左  
尚方而本署謂之右尚方並掌造軍器又以相府  
細作配臺即其名置令一人隸門下孝武改曰御  
府後廢帝初省御府置中署隸右尚方則漢之考  
工令如今之尚方令尚方令如今中署矣



通志齊置左右尚方令各一人

隋書百官志梁少府卿置中左右尚方等令丞

衛尉卿統武庫令○陳承梁並因其制官

謹案宋齊以武庫屬尚書之庫部蓋已非僅供御  
器械之職梁陳屬衛尉掌甲兵及吉凶儀仗是又  
兼主儀衛亦以其職守所在固自相通也唯少府  
左右尚方皆主造軍器而左尚方之職為尤近蓋  
右尚方嘗改名中署由細作配臺而設近于魏晉

之中尚方宋書雖言漢考工令如宋之尚方漢尚  
方令如宋之中署其實漢自有御府一官與中  
署相同而尚方令則仍在御府及宋中署之外  
也至梁陳之三尚方則一如魏晉之制矣

北魏

北魏書奚康生列傳康生彎弓十石梁間康生能  
引彊弓特作大弓兩張長八尺把中圓尺一寸箭  
羸殆如今之長笛送康生康生平射猶有餘力即

表送置之武庫

謹案後魏官氏志有衛尉少府而無武庫尚方  
諸官唯諸署令有三品列于從第八品第九品  
從第九品蓋武庫署諸職皆在其內史第統言  
之而未為詳列故無可考証也

北齊

隋書百官志衛尉掌禁衛甲兵領武庫

掌甲兵及  
吉凶儀仗

等庫署令武庫又有修故局丞

掌領匠修  
故甲等事

○太府

寺統中左右三尚方等署令丞

謹案北齊武庫掌甲兵而兼儀仗蓋如今鑾儀  
右所掌繖蓋儀刀弓矢槍叉戟之事但武庫職  
制歷代相承凡御用軍器並歸掌理故與鑾儀  
衛篇互見以著其實三尚方皆領別局而左尚  
所領之器作蓋于軍器為近也

後周

通典後周官正五命夏官武藏中大夫正四命夏

官小武藏下大夫正三命冬官鍛工函工等上士  
正二命夏官司弓矢司甲司稍等中士冬官鍛工  
函工鞞工韋工等中士正一命夏官司弓矢司稍  
司甲司刀盾等下士冬官弓工箭工鍛工函工鞞  
工等下士

冊府元龜後周武帝四年置軍器監

軍器有監自此始也

玉海後周武帝建德四年正月戊辰初置營軍器  
監

謹案後周制官如成周武備職在夏官冬官中  
至軍器監之設實自後周始蓋本漢考工尚方  
諸職而改置之者抑以其時戰爭方亟廣造軍  
器而別為立監亦不專為御府器械而設也

隋

隋書百官志衛尉寺統武庫等署令丞○太府寺  
統左尚方內尚方右尚方等署令丞○少府監煬  
帝置統左尚右尚內尚鎧甲弓弩等一署令丞後廢

鎧甲弓弩二署

唐六典開皇中三尚方俱屬太府寺煬帝始改隸  
少府左尚方掌造車輦織扇稍眊弓箭弩戟器仗  
刀鏃等事右尚方掌造甲冑具裝刀斧鉞及皮毛  
雜作等事隋少府有甲鎧署弓弩署

謹案隋武庫掌於衛尉與前代同三尚方初隸  
太府後改隸少府并增設甲鎧弓弩二署今考  
左尚方掌造弓箭與弓弩署均為今武庫之屬

右尚方掌造甲冑與甲鎧署均為今甲庫之屬  
既有左右二尚故甲鎧弓弩二署不久而旋廢  
也左尚蕪掌造車輦繖蓋為今鑾儀衛右所之  
職故並從互見焉

唐

唐書百官志少府監官屬右尚方令一人從七品  
下丞四人從八品下掌供十二閑馬之轡每歲取  
於京兆河南府加飾乃進凡五品三部之帳刀劍



斧鉞甲冑紙筆茵席履舄皆擬其用皮毛之工亦

領焉監作六人

有府七人史二十人典事十三人掌固十人

唐六典衛尉寺武庫令掌職天下之兵仗器械辨其名數以備國用丞為之貳

唐書劉黑闥列傳初秦王建天策府其弧矢制倍于常逐黑闥時為突厥所窘自以大箭射却之突厥得箭傳觀以為神後餘大弓一長矢五藏之武庫世世寶之

唐書百官志軍器監監一人正四品上丞一人正七品上掌繕甲弩以時輸武庫總署二一曰弩坊二曰甲坊主簿一人正八品下錄事一人從九品

下武德初有武器監一人正八品下掌兵仗廐牧少監一人丞二人主簿一人七年廢軍器監八

年復置九年又廢貞觀六年廢武器監開元以前軍器皆出右尚署三年置軍器監十一年復廢為甲弩坊隸少府十六年復為監有府弩坊署令一人史十二人亭長二人掌固四人

人正八品下丞一人正九品下掌出納矛稍弓矢

排弩刀鏃雜作及工匠監作二人

有府二人史五人典事二人貞

觀六年改弓弩署為弩  
坊署甲鎗署為甲坊署 甲坊署令一人正八品下

丞一人正九品下掌出納甲冑綬繩筋角雜作及

工匠監作一人

有府二人史五人典事一人

唐六典北都軍器監

開元初屬少府監十六年移向北都

掌營造甲

弩之屬辨其名物審其制度以時納于武庫少監

為之貳焉丞掌判監事凡材革出納之數工徒衆

寡之役皆督課焉主簿掌印及勾檢稽失錄事掌

受事發辰甲坊署令丞監作

隋少府有甲鎗署唐改為弩坊署

令丞監作

隋有弓弩署唐改焉

各掌其所修之物督其繕造

辨其粗良丞為之貳凡財物之出納庫藏之儲備

必謹而守之

唐六典乾元元年軍器監改為軍器使以內官為之貞元四年自武德東門築垣約左藏庫之北屬宮城東垣於是武庫遂廢其軍戎器械隸軍器使謹案唐少府之左尚署掌供翟扇繖蓋五輅七輦而無復隋時兼造弓箭弩戟之職蓋自開元

以後分立軍器監有甲坊弩坊二署以專司其事  
事故左尚不復主之其自開元以前軍器皆出  
左尚署則尚與隋同茲從其改制之後以為定  
故以左尚次於鑾儀衛篇而不列於此表至右  
尚掌十有二閑之鞍轡與今北鞍庫同職而刀  
劍甲冑則又有甲庫兼職至甲坊弩坊與今甲  
庫砲庫又適相合矣武庫令掌天下之兵仗器  
械不專為御用之職惟以軍器監所繕造皆以

時受而入之則其所儲藏者首以供御為重亦可考見也

五季

宋

宋史職官志衛尉寺掌儀衛兵械甲冑之政令舊制凡武庫武器歸內庫守宮歸儀鸞寺本寺無所掌元豐制行始歸本寺其屬有內弓箭庫南外庫軍器弓鎗庫軍器弩劍箭庫掌藏兵仗器械甲冑

以備軍國之用儀鸞司掌供幕帟供張之事軍器  
什物庫宣德樓什物庫掌收貯什物給用則按籍  
而頒之中興後衛尉併入工部○軍器監國初  
戎器之職領于三司胄曹案官無專職熙寧六年  
廢胄案乃按唐令置監以從官總判元豐正名始  
置監各一人丞二人主簿一人監掌監督繕治兵  
器什物以給軍國之用少監為之貳丞叅領之凡  
利器以法式授工徒具弓矢干戈甲冑劍戟戰守

之具因其能而分任之墨用給材旬會其數以考  
程課而輸于武庫委遣官詣所隸檢察凡用膠漆  
筋革財物必以時課百工造作勞逸必均歲終閱  
其良否多寡之數以詔賞罰器成則進呈便殿俟  
閱試而頒其樣製于諸道即要會州建都作院分  
造器械從本監比較而進退其官吏焉元祐三年  
省丞一員紹聖中復置政和三年應御前軍器監  
所頒降軍器樣製非長貳當職官不得省閱及傳



寫漏洩論以違製分案五置吏十有三所隸官屬  
四東西作坊掌造兵器旗幟戎帳什物辨其名色  
謹其繕作以輸于受藏之府兵校工匠其役有程  
視精麤利鈍以為之賞罰作坊物料庫掌收鐵錫  
羽箭油漆之屬皮角場掌收皮革筋角以供作坊  
之用南渡置御前軍器所建炎三年詔軍器監併  
歸工部東西作坊都作院併入軍器所紹興三年  
復置丞一員令工部相度合管職事歸之十一年

詔復置長貳員一員十四年以朝奉大夫趙子厚  
守軍器監宗室為寺監長貳自此始隆興初年置造  
軍器已有軍器所隸工部本部惟置丞一員乾道  
五年復置少監及簿六年以少監韓玉往建康點  
檢物馬以奉使軍器少監為名是年復置監一員  
淳熙初元詔戎器非進入毋輒出所由是呈驗寢  
省二年錢良臣以少監總領淮東財賦八年沈揆  
復以監長行諸監長貳自是始許總餉外帶然二

人實初兼版曹職事嘉定十四年岳珂獨以軍器  
監總餉淮東是後戎所作坊已備官于下宥府起  
部並提綱于上監居其間事務稍簡特為儲才之

所焉○軍器所

隸工部

提點官二員

紹興三十二年  
詔于邊臣內差

提轄監造官各二員幹辦受給監門官各一員掌

鳩工聚材製造戎器之政令舊就軍器監制別差

提舉官以內侍領之紹興中改隸工部罷提舉官

日輪工部郎官軍器監官前去本所點檢省視後

復以中人典領工部侍郎黃中以為言請復隸屬  
從之孝宗即位有旨增置提點官以內省都知李  
綽為之改稱提舉免隸工部後以御史張震力爭  
復隸工部後改隸步軍司尋復舊紹興元年減省  
員額如上制

王海熙寧元年十二月二十二日以內臣張若水  
閤門使李評提舉編擇增修弓弩若水造神臂弓  
六年六月二十七日己亥初置軍器監以三司曹

案為監命呂惠卿曾孝寬判之制度皆著為式凡一百十卷雜材一軍器七十四件物二十一稞物四添修及製造弓弩式十卷七月甲寅置內弓箭南庫儲御前所製七年正月十二日庚戌惠卿等上裁定中外所獻槍刀樣又上編成弓式初京師及諸路戎器雜惡河朔尤甚至所製兵械皆精利其後詔以新造軍器付諸路為式遣官分諭之宋軍器五庫在崇政殿東橫門外掌禁兵器衣

甲槍弩箭各為一庫又有什物庫在清平坊淳化二年置揀選衣甲器械庫熙寧六年置內弓箭南庫儲御前所製軍器命官提舉建炎七年以軍器衣甲內弓箭南內外七庫併為一名曰內軍器庫紹興二年什物庫亦併入七年正月置軍器局于建康十一月罷乾道五年重修內軍器南庫

謹案宋軍器之職始領于三司曹案其後乃置軍器監以統領之衛尉寺之內弓箭軍器弓鎗

等庫定于元豐之改制遂合唐代之舊職至南  
渡後立御前軍器所而以軍器監及內弓箭等  
庫並隸工部未幾旋置提舉遂以內侍領其職  
則失慎重戎器之道矣自是或隸工部或差內  
侍變更不一皆不得為定制也軍器監有衣甲  
槍弩箭五庫頗似今四庫之制而宋時諸庫置  
在禁近實為兵戎之用而設與今武備院規  
制亦略有不同

遼

遼史百官志諸坊職名總目某坊使某坊副使某坊詳袞使某坊詳袞某坊都監八坊內有軍器坊謹案遼北面之軍器坊使蓋承唐甲坊弩坊之官屬於軍器監者而設至南面官悉如唐制則衛尉之武庫少府之尚方亦必與唐代不殊今以史文不詳並從缺焉

金



金史百官志殿前都點檢司屬官器物局提點正

五品使從五品副使從六品掌進御器械鞍轡諸

物直長正八品都監正九品

明昌三年省罷

同監從九品

泰和四年設武庫署令從六品丞從七品掌收貯諸路

常課甲仗

以曉軍器女直人充

武器署提點從五品令從六

品丞從七品掌祭祀朝會巡幸及公卿婚葬鹵簿

儀仗旗鼓笛角之事直長正八品

或二員

頓舍官二

員

泰和令總格作四員

正八品直長

見士民須知泰和令無

○少府監

屬官尚方令一人丞一人軍器監承安二年設泰和四年罷復并甲坊利器兩署為軍器署置令丞直長直隸兵部至寧元年復為軍器監軍器庫利器署隸焉舊轄甲坊利器兩署監從五品少監從六品丞從七品掌修治邦國戎器之事直長正八品泰和令無總格  
有  
○八作左右院使一人副使一人掌收軍須軍器

謹案金以武庫武器二署屬之殿前都點檢而

器物局提點專掌進御器械鞍轡等物置使副使以重其職猶今武備院卿之所掌也軍器監始隸兵部後復別設八作左右院亦似宋之將作監屬官改而別置皆掌軍須軍器蓋進御器械固非專職而成造監製恒必由之器物局但掌儲藏供進而已故並列於篇中

元

元史百官志大都留守司屬官器物局秩從五品

掌內府宮殿及御用各位下鞍轡珣格

原作忽哥  
今改正

轎子帳房凡精巧之藝大使一員從五品副使一

員正七品直長二員正八品吏目一員司吏二人

中統四年始立御用器物局受劄至元七年改為

器物局其屬成鞍局提領三員掌造御用鞍轡象

輅中統四年置羊山鞍局提領一員掌造常課鞍

轡諸物至元十八年置刀子局提控二員掌造御

用及諸宮邸寶貝佩刀之工中統四年置轎子局

提領一員掌造御用異樣木植鞍子諸物中統四年置

謹案元制御府器備盡領于大都留守司其設官最為詳備如器物局大使統掌都用及各位下鞍轡蓋如今武備院卿之職其成鞍局提領專掌御用鞍轡如今北鞍庫羊山鞍局提領掌常課鞍轡如今南鞍庫刀子局提控如甲庫之司轎子局提領亦北鞍庫之所理也

元史百官志武備寺從三品掌繕治戎器兼典受  
給卿四員正三品同判六員從三品少卿四員從  
四品丞四員從五品經歷知事各一員照磨兼提  
控案牘一員承發架閣庫管勾一員辨驗弓官二  
員辨驗筋角翎毛等官二員今史十有三人至元  
五年始立庫器監秩四品十九年陞正三品二十  
年立衛尉院改軍器監為武備監秩四品隸衛尉  
院二十一年改監為寺與衛尉並立大德十一年

陞為院至大四年復為寺所轄屬官則自為選擇其匠戶之能者任之

謹案元武備寺承唐宋之軍器監而設其所掌並兼各路軍器與今院職不同今因其時以武備名官其屬官皆寺所自選足為武備院考証故並採錄于篇中

元史百官志尚乘寺從三品掌上御鞍轡及領隨路局院鞍轡等造作收支行省歲造鞍轡等事卿

四員正三品少卿二員從四品丞二員從五品經歷知事照磨管勾各二員至元二十四年罷衛尉始設尚乘寺領資乘庫

謹案元尚乘寺事務其初為太僕及衛尉所掌後廢衛尉特設寺官所掌有上用鞍轡及隨器鞍轡則亦今北鞍南鞍二庫之所掌也

明

明史職官志工部所轄皮作局鞍轡局軍器局大



使一人副使一人凡軍裝器械下所司造牌符火  
器鑄於內府禁其以法式洩于外

王圻續文獻通考皮作局掌硝熟皮張成造靴鞋  
鞍轡兵仗局掌造各項軍器每局設大使一人正  
九品副使一人從九品皆于流官內選用隸工部

明史職官志宦官兵仗局

掌印太監一員提督軍  
器庫太監一員管理倉

書掌司寫字監工無定員  
掌製造軍器火藥司屬之

盛甲廠

即舊鞍轡局  
掌造軍器

謹案明代不設軍器監而以皮作鞍轡軍器諸

局隸之工部至於上用兵仗則以宦官之兵仗局監甲廠理之戎器之政視前代尤為疎畧矣考天文奎十六星著於垣象為天之武庫聖王象之重戎兵之制故成周夏官冬官各有戈盾弓矢之職而職金王府所藏以良兵器與秘器圖球並重漢自蕭和營未央宮輒首及武庫之建而考工尚方隸于少府其職亦非輕也晉宋以後遞有變易而大概不殊自後始立軍器監

而唐因之甲坊弩坊專掌繕造史稱秦王大弓  
長矢藏之武庫蓋帝王威御之器歷世寶藏與  
漢武庫藏高祖斷蛇劍者同意至宋而弓箭弩  
劍等庫初隸衛尉後入工部南渡置御前軍器  
所每用內侍為提舉廷臣力爭始隸工部此所  
以戎兵不飭而國勢日弱也金元設官進御器  
械鞍轡諸物與御仗鷹儀恆相兼攝而元之器  
物局尚乘寺尤臻詳備迄於明室自工部所隸

而外一委之宦者之手而宦官所掌自司禮御  
用寶鈔銀作等司局統轄甚為詳密惟至進御  
器械則止有兵仗監甲二職亦未嘗視之為重  
務是其玩襲戎兵聲靈靡振古聖王張皇六師  
作弧矢以威天下之制蕩然盡失即漢唐慎重  
戎器之意亦無復存矣我

朝自

列祖

列宗神武開國初設鞍樓肅掌武器自後改為武備院  
隸內務府典之以三品卿職復

特簡大臣管理事務以重其職守

皇上天授聖武自行圍進哨閱武校射咸

躬御甲冑弓矢

命將出師則頒發甲仗弓矢以震懾

天威武備院卿敬供厥事每修繕器械必進呈

睿覽文覃武爍赫業肅莊洵非歷代飭戎之政所得

比隆於萬一者矣

欽定歷代職官表卷四十一











馴象所軍使等官 旗手衛冠軍使等官

馴象所  
服不氏  
下士

國  
鼓人  
中士

承事令

鼓次令  
丞

鼓次令  
丞

鼓次令  
丞

鼓次令  
司鼓中  
士下士  
司吹中  
士下士

鼓次令  
丞

鼓次令  
令

鼓次令  
令

鼓次令  
丞

鼓次令  
司鼓中  
士下士  
司吹中  
士下士

鼓次令  
丞

馴象所  
丞

武衛所  
提舉令  
丞

馴象所  
提舉使

主事 經歷 筆帖式

主事

筆帖式

主事

經歷

筆帖式

鑾儀衛

國朝官制

鑾儀衛掌衛事大臣一人

正一品無專員以王公滿洲蒙古文武大臣管理

鑾

儀使三人

正二品內二人以滿洲蒙古兼授一人以漢人漢軍兼授

掌供奉

乘輿秩序鹵簿辨其名數與其班列凡祭祀朝會

時巡

大閱則帥所司而敬供之既事復進而藏之所屬有左

右中前後五所分鑾輿馴馬擎蓋弓矢旌節幡幢  
扇手斧鉞戈戟班劍十司馴象一所分東西二司  
旗手一衛分左右二司初順治元年置錦衣衛指  
揮使等官二年改為鑾儀衛四年罷指揮使置鑾  
儀使及副使等官五年罷鑾儀副使定鑾儀使滿  
洲漢人員額各二九年始以內大臣掌衛事康熙  
三十年省漢人鑾儀使一人所隸有軍尉旗尉民  
尉凡陳設鹵簿儀刀弓矢及戟用親軍豹尾槍仗

馬用護軍蒙古畫角用蒙古畫角軍奉請乘輿用

旗尉擎執各項儀仗用民尉

由內府選充者為旗尉五城選充者為民

尉奉輦旗尉百六十八人民尉六十人各執事旗

尉二百四十六人民尉一千八百五十六人皆分

隸各所

乾隆四十四年定凡民尉籍隸大興宛平者有闕仍以兩縣人充補其籍隸外州縣

者有缺則以包衣閑散人等改補

三旗蒙古布勒器三十人漢軍

更夫四十人

左所掌所印冠軍使滿洲一人

正三品凡滿洲員額皆以蒙古兼授各所衛同

掌鑾輿司馴馬司司印雲麾使滿洲二人間散雲麾使

滿洲一人雲麾使漢軍二人

俱正四品各所衛同

治儀正滿洲四

人漢軍五人

俱正五品各所衛同

整儀尉滿洲二人漢軍八人

俱正

六品各所衛同

掌輿乘輦輅之事凡各所衛官制員額皆順治十

一年定

右所掌所印冠軍使滿洲一人掌擎蓋司弓矢司司印雲麾使滿洲二人間散雲麾使滿洲一人雲麾使漢軍



一人治儀正滿洲三人漢軍二人整儀尉滿洲三人

掌織蓋儀刀弓矢槍戟之事

中所掌所印冠軍使滿洲一人掌旌節司旂幢司司印  
雲麾使滿洲二人間散雲麾使滿洲一人雲麾使漢軍  
一人治儀正滿洲三人漢軍二人整儀尉滿洲二人漢  
軍一人

掌麾麾旂幢燾幟節鉞仗馬之事

前所掌所印冠軍使滿洲一人掌扇手司斧鉞司司印

雲麾使滿洲二人間散雲麾使滿洲一人雲麾使漢軍  
一人治儀正滿洲三人漢軍三人整儀尉滿洲二人漢  
軍二人

掌扇鑪瓶盃杓星拂御仗撥薦靜鞭及品級山  
之事

後所掌所印冠軍使滿洲一人掌班劍司戈戟司司印  
雲麾使滿洲二人間散雲麾使滿洲一人雲麾使漢軍  
一人治儀正滿洲三人漢軍三人整儀尉滿洲二人

掌旗幟立爪卧爪吾仗之事

馴象所掌所印冠軍使滿洲一人掌東司西司印雲麾使滿洲二人間散雲麾使滿洲一人雲麾使漢軍一人治儀正滿洲二人漢軍二人整儀尉滿洲二人

掌儀象騎駕鹵簿鏡歌前部大樂

旗手衛掌衛所冠軍使滿洲一人掌衛事冠軍使漢軍一人掌左司右司印雲麾使滿洲二人治儀正滿洲二人漢軍二人整儀尉滿洲三人

掌金鉦鼓角鏡歌大樂及午門司鐘神武門鐘鼓樓直更之事乾隆七年以鼓手旂尉八十人並頭尉八人隸樂部改名署史學習音律又民尉六十人舊以內府匠役間散人借補者亦改用旗人並隸樂部焉

陪祀冠軍使漢軍二人駕儀管理雲麾使漢軍一人治儀正漢軍三人駕庫管理整儀尉漢軍二人

各以其事隸屬於衛無專領職掌品秩與各所衛

同

謹案以上八員雖定置額缺而與七所之各有  
司存者不同今據現在員數另為一條次於各  
所衛之後

主事滿洲一人經歷漢人一人

正七品

掌章奉文移員額俱康熙十六年定

筆帖式滿洲七人漢軍三人

員額康熙十六年定

職事具  
吏部篇

鳴贊官四人

掌贊鳴鞭初制以本衛官八人兼之乾隆三十七年改定於太常寺鴻臚寺贊禮郎鳴贊官內迭衛選擇補用

漢人侍衛無定員

乾隆十三年定制每科以武進士簡拔侍衛者派撥數員在衛行走以備差委不為額缺其陞轉仍依侍衛之例

歷代建置

三代

春秋左氏傳薛之皇祖奚仲居薛為夏車正杜預  
注奚仲為夏禹掌車服大夫

荀子奚仲作車正楊倞注夏禹時車正

後漢書輿服志奚仲為夏車正建其旂旒尊卑上  
下各有等級

竹書紀年殷太戊三十一年命費侯中行為車正

謹案管子奚仲之車也方圓曲直皆中規矩鈎繩呂氏春秋寒哀作御奚仲作車淮南子胡曹為衣奚仲為車山海經番禺生奚仲奚仲生吉光始以木為車郭璞曰世本奚仲造車此言吉光明其父子共創意凡此皆謂造車始於奚仲惟宋志謂包羲畫八卦而為大輿奚仲乃夏之車正安得始造荀子解蔽篇註黃帝已有車服奚仲亦改制耳則是奚仲造車之說或以其為



車正而附會之奚仲為夏車正中衍為殷車正  
蓋即今鑾儀衛事所自昉也

周禮春官巾車下大夫二人上士四人中士八人  
下士十有六人府四人史八人工百人胥五人徒  
五十人掌公車之政令辨其用與其旂物而等叙  
之以治其出入

鄭康成注巾車車官之長

典路中士二人下士

四人府二人史二人胥二人徒二十人掌王及后  
之五路辨其名物與其用說

鄭康成注路王之所乘車

司常中

士二人下士四人府二人史二人胥四人徒四十

人

鄭康成注司  
常主王旌旂

掌九旂之物名各有屬以待國事

日月為常交龍為旂通帛為旛雜帛為物熊虎為  
旗烏隼為旟龜蛇為旐全羽為旟析羽為旌

大戴禮記上車以和鸞為節下車以佩玉為度行  
以采茨趨以肆夏步還中規折還中矩進則揖之  
退則揚之然後玉鉦鳴也古之為路車也蓋圓以  
象天二十八橑以象列星軫方以象地三十輻以

象月故仰則觀天文俯則察地理前視則睹和鸞之聲側聽則觀四時之運此中車教之道也

穆天子傳天子主車造父為御

周禮夏官司戈盾下士二人府一人史二人徒四人掌戈盾之物而頒之祭祀授旅賁及故士戈盾授舞者兵亦如之軍旅會同授貳車戈盾建乘車之戈盾授旅賁及虎士戈盾太僕下大夫二人王

出入則自在馭而前驅

鄭康成注前驅如今道引也道而居左自馭不參乘

辟王戎右中大夫二人上士二人會同充草車

鄭康

成注充之者謂居左也

齊右下大夫二人掌祭祀會同賓客

前齊車王乘則持馬行則陪乘道右上士二人掌  
前道車王出入則持馬陪乘如齊車之儀自車上  
諭命於從車詔王之車儀王式則下前馬王下則  
以蓋從大馭中大夫二人掌馭玉路以祀及祀輶  
王自左馭馭下祝登受轡犯輶遂驅之凡馭路行  
以肆夏趨以采薺凡馭路儀以鸞和為節戎僕中

大夫二人掌馭戎車

鄭康成注戎車革路也

掌王倅車之政

凡巡狩及兵車之會亦如之齊僕下大夫二人掌馭金路以賓朝覲宗遇饗食皆乘金路其法儀各以其等為車送逆之節道僕上士十有二人掌馭象路以朝夕燕出入其法儀如齊車田僕上士十有二人掌馭田路以田以鄙掌佐軍之政設驅逆之車馭夫中士二十人下士四十人掌馭貳車從車使車

周禮秋官條狼氏下士六人胥六人徒六十人掌執鞭以趨辟

王應麟玉海鳴鞭唐有之周條狼氏之遺法也

周禮夏官服不氏下士一人徒四人掌養猛獸而

教擾之

鄭康成注教習使之馴服王者之教無不服

節服氏下士八人

徒四人掌六人維王之太常

鄭康成注維維之以纓王旌十二旒兩兩

以纓綴連旁三人持之禮天子旌曳地

周禮地官鼓人中士六人府二人史二人徒二十

人掌教六鼓四金之音聲以節聲樂

謹案車路之等旌旂之飾至周而文物始盛後  
世衛儀大抵本周制而損益之故其設官亦最  
為詳備以今制相準巾車掌公車政令當即如  
今鑾儀使之職典路道僕田僕馭夫分掌車路  
當如今左所之職司常掌九旂當如今中所之  
職司戈盾掌授戈盾節服氏維王之太掌而道  
右兼以蓋從又當如今右所之職條狼氏為鳴

鞭所自始當如今前所之職服不氏掌養猛獸  
當如今馴象所之職而又與旂手衛同掌饒歌  
大樂則又並有地官鼓人之職為後世鼓吹令  
所因今故互見於樂部表以明源流所自至周  
之太僕一官主左馭前驅又兼有今鑾儀使之  
職故自秦漢以後太僕並主乘輿鹵簿不獨典  
司牧政至元明而始專為養馬之官今並互見  
此表以著其實云



秦

唐六典秦有六尚尚乘局自秦漢以下其職皆在太僕

杜佑通典秦有車府令

史記秦始皇本紀中車府令趙高裴駘集解主乘輿路車

謹案宋宋綬作景祐鹵簿圖記稱秦兼屬車九  
九之數沈約謂古者諸侯貳車九乘秦滅九國

兼其車服故八十一乘則儀物之容至秦而益加詳備故特仿周制置太僕以掌之當如今之鑾儀衛而中車府令主乘輿路車則亦近今左所之職也

漢

漢書百官公卿表奉車都尉掌御乘輿車駟馬都

尉掌駟馬

顏師古注駟副馬非正駕車皆為駟馬一日駟近也

皆武帝初置

扶比二千石

謹案魯峻石壁殘畫象載南郊大駕出時有云  
小史持騎幢有云持駙馬有云駙馬上下文殘  
缺不可讀考百官公卿表駙馬都尉掌駙馬顏  
註以駙馬為副馬魯峻石壁所謂持駙馬蓋維  
持此駙駕之馬則正駙馬都尉之職爾其云大  
駕出時即大駕鹵簿其云小史持騎幢即輿服  
志所云尚書主者即令史副御史蘭臺令史副  
皆執注以督整車騎是也

漢書霍光列傳光為奉車都尉光祿大夫出則奉車入侍左右

漢書百官公卿表太僕掌輿馬屬官有車府路軫

令丞武帝太初元年初置路軫

顏師古注伏儼曰主乘輿路車又主

凡小車軫今之小馬車曲輿也軫音零

漢書梁丘賀列傳先驅旄頭

應劭注旄頭以明林為之髮正上向而長

衣繡衣在乘輿車前

宋書禮志晉武帝問侍臣旄頭何義彭推對曰秦

國有奇怪觸山截木惟畏旄頭故虎士服之則秦制也張華曰有是言而事不經臣謂壯士之怒髮踊衝冠義取於此徐爰曰彭張各言意義無所承據案天文畢昴之中謂之天街故車駕以畢罕前引畢方昴圓因其象星經昴一名旄頭故使執之者冠皮毛之冠也

漢書東方朔列傳宋萬為式道侯

顏師古注式表也表道之侯若

今之武侯引駕

蔡邕獨斷天子出車駕次第謂之鹵簿有大駕有小駕有法駕大駕則公卿奉引大將軍參乘太僕御屬車八十一乘備千乘萬騎在長安時出祠天於甘泉備之百官有其儀注名曰甘泉鹵簿中興以來希用之先帝時時備大駕上原陵他不常用法駕公卿不在鹵簿中唯河南尹執金吾洛陽令奉引侍中參乘奉車郎御屬車三十六乘北郊明堂則省諸副車小駕祠宗廟用之每出太僕奉駕

上鹵簿於尚書侍中中常侍侍御史主者郎令史  
皆執注以督整諸軍車騎春秋上陵又省於小駕  
直事尚書一人從令以下皆先行法駕上所乘曰  
金根車駕六馬有五色安車五色立車各一皆駕  
四馬是謂五時副車俗人名之曰五帝車非也

西京雜記漢朝輿駕祠甘泉汾陰備千乘萬騎太  
僕執輿大將軍陪乘名為大駕車有司馬辟惡記  
里靜室象車武剛九旂雲罕皮軒闔戟鸞旌建華

相風烏金根之名儀衛有騎隊鼓吹黃麾騎畢罕  
節御馬華蓋桐鼓之制或分八校或分十六校式  
道有侯護駕有官

漢書文帝本紀奉天子法駕迎代邸

如淳注法駕侍中駟乘奉

車郎御屬車

三十六奉

漢書劉向列傳任為輦郎

顏師古注如今引御輦郎也

謹案鹵簿之名始見於西漢李善文選注引胡

廣漢官制度曰天子出車駕次第謂之鹵簿唐



人謂鹵櫓也甲盾之別名兵衛以甲盾居外為前導皆著之簿故曰鹵簿王應麟引五禮精義謂鹵大盾也以大盾領一部之人故言鹵簿其為說稍殊而其釋鹵為盾則無異蓋亦本武衛之義以立此名在漢時屬太僕所掌觀夏侯嬰傳嬰事高祖為太僕常奉車後事惠帝高后皆為太僕至文帝入立嬰復以太僕具法駕奉迎終身未嘗遷官蓋亦以典司輿輦為近御之官

故特隆其任寄與今鑾儀衛之職實為相合所屬若車府路輦諸令丞及式道侯奉車郎輦郎則皆今各所所有事而西京雜記稱儀衛分八校或十六校則以事區分職掌亦謂今之有左右中前後五所也又旄頭郎以羽林為之而所掌為乘輿前驅則其職當亦隸於太僕漢書外戚傳上官桀為羽林期門郎從武帝上甘泉天大風車不得行解蓋授桀桀奉蓋雖風常屬車

雨下蓋輒御上奇其材力是漢時華蓋本在車  
上因風而使樂解下奉持正如周官道右之王  
下則以蓋從可知期門羽林固得並兼奉車之  
事耳又漢初以奉車駙馬二都尉供奉乘輿最  
稱親近故霍光任此者幾二十年至三國時乃  
多以戚畹勲舊為之迨東晉而後惟尚主者始  
授此職他人皆不得與嗣是遂為主婿之定名  
而不知其初實主侍從車駕即如管鑾儀衛大

臣之職今故並著於表以從其朔焉

後漢書百官志太僕卿一人中二千石掌輿馬天子每出奏駕上鹵簿用大駕則執御車府令一人六百石主乘輿諸車未央廄令一人六百石主乘輿

宋書禮志漢制每出警蹕清道建五旗太僕奉駕條上鹵簿

後漢書禮儀志車府令設鹵簿駕

後漢書輿服志東都大駕太僕校駕法駕黃門令  
校駕乘輿法駕公卿不在鹵簿中河南尹執金吾  
雒陽令奉引奉車郎御侍中參乘屬車四十六乘  
前驅有九旂雲罕鳳凰闕戟皮軒鸞旂皆大夫載  
鸞旂者編羽旄列繫幢旁民或謂之雞翹非也後  
有金鼓黃鉞黃門鼓車大車屬車八十一乘法駕  
半之屬車皆皂蓋赤裡木輜戈矛弩箛尚書御史  
所載最後一車懸豹尾豹尾以前比省中行祠天

郊以法駕祠地明堂省什三祠宗廟尤省謂之小  
駕每出太僕奉駕上鹵簿中常侍小黄門副尚書  
主者郎令史副侍御史蘭臺令史副皆執注以督  
整車騎謂之護駕春秋上陵尤省於小駕直事尚  
書一人從其餘令以下皆先行後罷

謹案續漢書輿服志云注駕屬車四十六乘蔡  
邕獨斷云三十六乘三輔黃圖則從獨斷或續  
漢書四字為三字之誤

張衡東京賦及將祀天郊報地功乃整法服正冕  
帶珩紃紘紵玉笄綦會火龍黼黻藻絳盤屬結飛  
雲之袷輅植翠羽之高蓋建辰旒之太常紛飈悠  
而容裔六元虬之奕奕齊騰驤而沛艾龍輶華輶  
金錢鏤錫方鈇左纛鉤膺玉璫鸞聲噦噦和鈴鈇  
鈇重輪貳轄疏轂飛軫羽蓋葳蕤葩瑤音曲莖順  
時服而設副咸龍旂而繁纓農輿木輅屬車九九  
乘軒並轂璫弩重旃朱旒青屋奉引既畢先輅乃

發鸞旗皮軒通帛舊旆雲罕九旂鉞戟轆轤髯髻  
被繡虎夫載鵠駙承華之蒲梢飛流蘇之騷殺總  
輕武於後陳奏嚴鼓之嘈囂戎士介而揚揮戴金  
鉦而建黃鉞清道按列天行星陳

謹案東京賦云奉引既畢先輅乃發即輿服志  
所云河南尹執金吾洛陽令奉引是也又云鸞  
旗皮軒即輿服志所云皮軒鸞旂皆大夫載是  
也云屬車九九即輿服志所云屬車八十一乘



也云雲罕九旂即輿服志所云前驅有九旂雲  
罕是也云釵戟轆轤即輿服志所云鳳凰闌戟  
是也云奏嚴鼓之嘈囂即輿服志所云黃門鼓  
車是也云戴金鉦而建黃鉞即輿服志所云後  
有金鉦黃鉞是也漢賦之有關於典制如此

李善文選注漢官儀曰大駕鹵簿五營校尉在前  
者名曰填衛

謹案後漢天子每出皆太僕條上鹵簿與今鑾

儀衛之制尤為相合至漢有充庭之制凡臨軒大會陳乘輿車輦旌鼓於殿庭張衡東京賦所云龍路充庭鸞旗拂霓者是也今制朝會

御殿陳設鹵簿實權輿於此其在漢世當亦屬太僕所條上歟

唐六典後漢少府屬官有承華令典黃門鼓吹一百三十五人百戲師二十七人

謹案後漢之承華令至晉以後改為鼓吹令今

馴象所旗手衛所典鏡歌前部樂實即其職故  
既繫之樂部表而仍互見於此焉

孫逢吉職官分紀漢鹵簿之制衛尉駕四馬主簿  
前車八乘

後漢書百官志奉車都尉比二千石無員駙馬都  
尉比二千石無員劉昭補注漢官曰奉車都尉三  
人駙馬都尉五人

三國

三國魏志后妃列傳卞蘭為奉車都尉郭詳遷為  
駙馬都尉

三國蜀志諸葛亮列傳亮兄子喬拜為駙馬都尉  
通典後漢太僕奏駕上鹵簿魏因之後漢太僕有  
未央廐令魏改為乘黃廐乘黃古之神馬因以為  
名歷代皆有悉掌乘輿車府署令魏屬太僕

謹案曹魏太僕之制同於東漢當亦有今鑾儀  
衛之一職其乘黃令雖以馬為名而所掌實乘

輿車輅當如今左所之職也至太僕一官魏志  
所載諸臣自潘尼以外罕有居此職者惟齊王  
紀引魏書載羣臣奏事有太僕臣疑列於太常  
衛尉之後廷尉太鴻臚之前則其位任亦不為  
輕矣

晉

晉書職官志武帝以宗室外戚為奉車駙馬都尉  
而奉朝請焉元帝為晉王以參軍為奉車都尉掾

屬為駙馬都尉皆奉朝請後罷奉車都尉惟留駙  
馬都尉奉朝請諸尚公主者劉惔桓溫皆為之  
謹案自此以後駙馬都尉遂為主壻加官無復  
供奉乘輿之事矣

王應麟玉海晉中朝大駕鹵簿靜室令中道式道  
候分左右次洛陽尉令亭長河南掾尹簿記次司  
隸廷尉太常光祿衛尉太尉司徒司空或駕一或  
駕三或駕駟次中護軍步兵長水射聲翊軍越屯

騎校尉驍騎游擊左右前後領軍將軍並鹵簿左  
右二行鼓吹一部次領護驍騎游軍校尉繼扇幢  
麾各一騎鼓吹一部七騎領護加大車斧終於金  
顏督將此百官之儀也

晉書職官志太僕統車府乘黃等令

馬端臨文獻通考尚輦車府令掌之東晉省太僕  
遂隸尚書駕部

通典晉置鼓吹令丞屬太常

謹案晉鹵簿之制以太僕卿與大將軍驂乘則  
晉之太僕亦兼有今鑾儀衛之職然考晉書又  
稱陳總為典兵中郎將武帝每出入持白獸旗  
在乘輿左右鹵簿陳列齊肅輿服志載鹵簿儀  
式以有典兵中郎中道督攝之文典兵中郎將  
為今領侍衛之職而得兼司鹵簿則正如今管  
衛事之大臣也

宋齊梁陳



宋書百官志周官巾車尚車太僕兼其任宋以來  
不置郊祀則權置太僕執轡事畢即省乘黃令一  
人掌乘輿車屬太常車府令一人隸尚書駕部  
南齊書百官志太僕掌郊禮執轡有事權置兼官  
畢乃省乘黃令一人掌五路安車

隋書百官志梁太常統鼓吹乘黃等令丞陳依梁  
制

冊府元龜梁乘黃令品第七秩四百石銅印墨綬

進賢一梁冠絳朝服

玉海梁乘輿行則有大駕法駕小駕行幸則樂仗  
近燕則隊仗三駕法天二仗法地大同五年賀琛  
奏南北二郊耜田御輦不復乘路以侍中陪乘停  
大將軍及太僕

謹案南朝鹵簿之法具載史志而當時不置太僕  
其司存所在蓋當分屬於太常及駕部也又考  
南史齊武陵昭王曄傳稱牛羸不能取路上勅

車府給副御牛一頭云云據此則是乘黃令所掌者為車輅輿輦以備郊廟儀物而車府所掌乃主供奉御前之用其職又稍不同耳

隋書百官志梁奉車都尉無員

北魏

魏書官氏志太和中定百官奉乘郎從第五品中翼馭郎從第五品下二十三年復次職令奉車都尉從第五品正始四年詔曰奉車都尉禁侍美官

顯加通貴世移時變遂為冗職既典名猶昔宜有  
定員可二十人

魏書禮志太祖天興二年命禮官摭採古事制三  
駕鹵簿一曰大駕設五輅建太常屬車八十一乘  
平城令代尹司隸校尉丞相奉引太尉陪乘太僕  
御二曰法駕屬車三十六乘平城令代尹太尉奉  
引侍中陪乘奉車都尉御三曰小駕屬車十二乘  
平城令太僕奉引當侍陪乘奉車郎御

冊府元龜後魏殿中監有乘黃車府令後又省乘黃令

謹案北魏車府乘黃二令俱改屬於殿中監又與魏晉之制有殊至官氏志之奉乘郎翼馭郎禮志之奉車郎皆主供奉輿輦則今左所之冠軍雲麾諸使當即其職也

北齊

隋書百官志後齊衛尉寺統武庫署令掌甲兵及

儀仗太僕寺統乘黃車府等署令丞乘黃掌諸輦  
輅車府掌諸雜車太常領鼓吹署令丞掌鼓吹樂  
人等事左右衛府奉車都尉十人

謹案歷代執仗兵士皆即以衛卒充之北齊儀  
仗掌諸衛尉其由來當本於此然自是而鑾儀  
衛之職遂分為兩官蓋武庫署如今之右中前  
後四所而乘黃署則如今之左所也

後周

通典後周官品正五命夏官大馭司右中大夫五  
命奉車都尉奉騎都尉正四品春官司車路夏官  
小馭戎馭齊馭小司右戎右齊右等下大夫正三  
命春官小司車路夏官道馭田馭小司右賓右道  
右田右司仗等上士正二命春官典路司車司常  
司鼓司吹夏官司仗司刀盾等中士正一命春官  
典路司車司常司鼓司吹夏官司刀盾等下士  
隋書禮儀志周氏設六官置司路之職以掌公車

之政辨其名品與其物色

謹案隋書禮儀志又稱後周置左右武伯掌內  
外衛之禁令皇帝臨軒則備三仗於庭蓋當時  
用衛士立仗故即以左右武伯專司其事實兼  
有今鑾儀衛之職正如今掌衛事之大臣也

隋

隋書百官志高祖置衛尉寺統武庫令丞太僕寺  
統乘黃車府署各置令丞煬帝加置主乘官



唐六典煬帝置尚輦局奉御正五品

隋書百官志奉車都尉六人掌馭副車

隋書閭毗列傳帝曰開皇之日屬車十二乘今八十一乘欲減之毗曰八十一乘起於秦遂為後式次及法駕三十六乘三十六乘此漢制也晉遷江左唯設五乘宋時設十二乘開皇平陳因以為法今憲章往古大駕依秦法駕依漢小駕依宋以為差等帝曰大駕宜三十六法駕宜十二小駕除之

通典隋有鼓吹令述

謹案隋書稱陳承梁末王琳縱火延燒車府因重造五輅及副車是南朝輦輅皆藏於車府也又稱周大象初遣鄭譯間視武庫得魏舊物有乾象輦大樓輦象輦等皆魏天興中所置宣帝咸服御之則是魏周及隋輦輅皆藏於武庫與南朝制異故武庫令魚掌儀仗正如今之有鑾駕庫也

唐

唐六典殿中省尚輦局奉御二人從五品上直長  
四人正七品下掌輦二人正九品下主輦四十二  
人奉輦十五人掌輿輦織扇之事分其次序而辨  
其名數直長為之貳凡大朝會則陳於庭大祭祀  
則陳於朝凡織扇大朝會則織二扇一陳之於庭  
若常聽朝皆去扇左右各留其三以備常儀○衛  
尉寺卿一人從三品少卿二人從四品上掌邦國

器械文物之政令凡大祭祀大朝會則供其羽儀  
節鉞金鼓帷帘茵席之屬武庫令兩京各一人從  
六品下掌歲兵仗器械武器署令一人正八品下  
丞二人從九品下掌在外戎器辨其名物會其出  
入凡大祭祀大朝會大駕巡幸則納於武庫供其  
鹵簿○太僕卿之職凡國有大禮大駕行幸則供  
其五輅屬車之屬乘黃署令一人從七品下丞一  
人從八品下掌天下車輅辨其名數與馴馭之法

丞為之貳凡乘輿五輅皆有副車又有指南車記  
里鼓車白鷺車鸞旗車辟惡車皮軒車耕根車安  
車四望車羊車黃鉞車豹尾車屬車一十有六大  
駕則用之車府署令一人正八品下丞一人正九  
品下掌王公以下車輅

新唐書百官志少府監左尚署令一人從七品下  
丞五人從六品下掌供翟扇蓋織五路五副七輦  
十二車

唐六典尚輦局置掌扇直長掌執扇供奉之事

新唐書百官志鼓吹署令二人從七品下丞二人從八品下樂正四人從九品下掌鼓吹之節以備鹵簿之儀

通典天寶以前選奉車都尉五員掌馭副車不常置若大倘陳設則以餘官攝行屬左右衛

新唐書儀衛志朝會之仗分為五仗號衛內五衛一曰供奉仗以左右衛為之二曰親仗以親衛為

之三曰勲仗以勲衛為之四曰翊仗以翊衛為之  
五曰散手仗以親衛翊衛為之

謹案唐六典駕部郎中員外郎掌邦國之輿輦  
車乘庫部郎中員外郎掌邦國之戎器儀仗及  
冬至元旦之陳設是唐代鹵簿之制實領其成  
於兵部而以衛尉之武庫武器二署太僕之乘  
黃車府二署殿中之尚乘局少府之左尚署分  
司厥事並不專屬於一官也至唐時鹵簿皆用

五衛之士分隊前後領以折衝都尉其左右廂儀仗內鑿鎧弓箭刀楯纓麾之類左右衛以黃左右武衛以白左右威衛以黑左右領軍衛以青各有定色御仗之物二百一十有九羽儀之物三百自千牛以下各分而典掌之則其時鹵簿陳設之事又領於十六衛將軍亦猶今之以大臣管衛事矣

五季



職官分紀梁開平初置儀鸞司

玉海後唐明宗時始有鹵簿使兵部侍郎為之

謹案宋五朝志稱五代漢乾祐中始置主輦十六人掌扇四人則當時儀衛簡畧可以槩見故其設官亦多不備然儀鸞司之名實初見於此至鹵簿使雖兼攝之官而職在排列督整則亦如今之管鑾儀衛大臣也

宋

政和五禮新儀建隆初選從臣嫻習禮儀者為鹵簿使

宋綬天聖鹵簿記序曰黃帝創軒冕之容列營衛之警輿駕儀物益本於此唐堯彤車有虞鸞和夏后之綬商人之路周官有司常巾車之職虎賁旅賁之從三五之際所由來尚矣秦并六國兼屬車九九之數漢上甘泉備千乘萬騎之衆自時厥後損益可知藝祖始議郊饗即諏典文扞衛既崇羽

儀兼備初吏士所服皆用畫帛乃命易以厚繪加之文繡采綵相錯煥乎一時至道中詔翰林承旨宋白與內侍畫郊邱仗衛絨在祕府景德中資政殿學士欽若上鹵簿記三卷敕付太史皇上紹庭正統粵再郊之明年命華光侍臣圖寫大簿臣充儀仗使督攝容衛又以太僕奉車承顧問乃與侍讀馮元侍講孫奭議曰前二圖書寫形紀事不相參會盍象設而又文陳乎孫是著為圖記十篇歲

在戊寅燔祀有期敕重飾帝車爰及法物並加釐正

謹案宋綬充儀仗使又兼太僕奉車之職故作  
鹵簿圖記即今鑾儀衛使掌秩序鹵簿也

李燾續資治通鑑長編真宗大中祥符元年命馮  
拯為儀仗使陳堯叟為鹵簿使

謹案儀仗鹵簿二使宋亦以他官兼攝當時故  
事中丞領儀仗使天聖二年用中丞薛奎領鹵

簿而翰林學士領儀仗治平二年詔中丞賈黯  
為儀仗使翰林學士范鎮鹵簿使是其事也

周必大繡衣鹵簿記藝祖皇帝受天眷命用筆造  
區夏武功既成文治斯廣躬郊禋正會朝祲威盛  
容以次畢行惟是承五季搶攘之後鹵簿雖設踏  
駁為甚易而新之茲惟其時於是制誥范質張昭  
等正其繆盭參定典式已而禮儀使陶穀奏言金  
吾諸衛將軍暨押仗導駕等官服皆以紫於禮未

稱請按開元禮咸用繡袍至若執仗之士舊服五色畫衣先後靡倫無所准式請以黑為先而青赤黃白以次分列用協五行相生之序逮有司以儀注上帝御便殿陳而閱之凡馬步儀仗總萬有一千二百二十有二人悉以綜絲袍繡文代彩畫之服揚輝絢采丕釐舊弊疊疊三代兩漢之盛矣稽諸會要始造於乾德之四年而告備於開寶之三年越明年謁款園邱實始用之想夫襍稍前驅五

輅增副里以鼓記車以南指鷄翹豹尾天矯婀娜  
公卿執事前導後陪細仗大角壯其容憶蓋織扇  
備其飾耄老幼稚族觀聚歎向也目熟乎兵革今  
乃窺文物旗常之美向也耳厭乎金鼓今乃聞錫  
鸞和鈴之音皇哉治世之鉅典華夏之偉觀也切  
讀三聖寶訓而知藝祖恭儉之德出於天資衣用  
澣濯器御質素齊官無三服之獻織室罷纂組之  
工顧於羽衛乃顯設藩飾如此得無意乎益恭儉

者帝王之盛德也備羽衛者國家之上儀也在漢  
孝文殿設書囊之惟身以敦樸為先及其詔令則  
曰鸞旗在前屬車在後儀物明盛猶可想於千載  
之下然則聖人所以奉已與華國者固自殊轍也  
即是以知藝祖之意有在也列聖繼承制作益詳  
曰大駕曰法駕曰鸞駕曰黃麾仗或施之躬郊或  
用之封祀或設之朝覲其多寡有差其先後有序  
揆厥所元皆自繡衣啟之貽謀垂裕永永無極肆



皇帝陛下曰紹復祖宗之大業迺紹興十有三年築壇而郊共祀天地鹵簿之制實纂乾德至於歲用癸亥視建隆初郊之歲若合符節復觀簡冊未之攸聞蓋莫為於前無以彰異時創業之功莫繼於後無以知中興之治是不可以不特書也

玉海宋大駕鹵簿自開寶定通禮之後彌有增益鹵簿使專掌定字圖排列儀仗使糾督之凡車路大僕寺主之輦輿織扇御馬殿中省主之皂纛繅

稍十六騎引駕細仗牙門金吾主之槍仗六軍主之六引諸隊大角五牛旗兵部主之寶案門下省掌之鐘漏司天臺掌之鼓吹太常鼓吹局掌之旗器名物衣冠寶蓋錦繡等飾朝服法物庫出焉箬弩弓矢戎裝雜仗軍器庫內弓箭庫出焉總大駕鹵簿二萬六十一人法駕三分減一鸞駕又減半兵部麾仗又減於鸞駕

謹案政和新儀兵部言國初大駕儀仗總一萬

一千二百二十二人今已有黃麾半仗三千四百八十三人玉輅腰小輿大輦平逍遙輦下一千九人外其金象草木輅芳亭鳳輦屬車寶輿一千二百七十三人天武捧日奉宸隊六千四百五十七人仗內六引鼓吹前後部一千五百人法物儀仗望下有司製造詔令文繡並代以纁命兵部錢時敏戎監劉才邵等參訂兵部掌貳提舉然則鹵簿雖設諸官分掌而制度創造

則仍兵部統主之蓋猶沿唐氏之制玉海謂兵部主六引特舉其職之分見者耳

宋史職官志殿中省尚輦局掌輿輦之事有典御一人奉御六人又置提舉及管幹官一員尚衣庫使副使二人以內侍三班充掌駕頭服御織扇之名物朝服法物庫監官二人以諸司使副及三班內侍充掌諸司儀仗之名物○衛尉寺內弓箭庫掌藏兵仗器械儀鸞司掌供幕帟供帳六軍儀仗

以肅禁衛凡儀物以時修飭選募人兵而校其遷  
補之事○太僕寺車輅院掌乘輿法物凡大駕法  
駕小駕供輦輅及奉引屬車辨其名數與陳列先  
後之序養象所掌調御馴象

陳世宗隨隱漫錄孟享駕出則軍器庫御酒庫御  
厨祗候庫儀鸞司御藥院從物前導騏驎院馬引  
從舍人內外諸司庫務官繼之

謹案儀鸞司即今鑾儀使之職漫錄云從物前

導卽宋職官志所云儀鸞司掌供幕帟供帳之類是也

章如愚山堂考索鼓吹局令一人丞一人  
職官分紀慶厯四年鼓吹局移就武成王廟

宋史職官志殿前司騎軍有金鎗班東西班諸軍  
指揮步軍有御龍直骨朶子直弓箭直弩直諸軍  
指揮

謹案宋鹵簿有排列字圖掌於兵部而以鹵簿

儀仗二使總其成蓋即今管鑾儀衛大臣之比  
其車輅院尚輦局則如今之左所尚衣庫朝服  
法物庫內弓箭庫則分隸今之右中前後四所  
養象所如今之馴象所鼓吹局如今之旗手衛  
而六軍儀仗司主選募人兵校其遷補則如今  
鑾儀衛之有旗尉民尉也

遼

遼史百官志北面官有車輿局車輿郎君南面官

殿中司有尚乘局奉御尚輦局奉御太常寺有鼓吹署令丞

文獻通考契丹有譚子部每謁拜木葉山唱歌前導

金

金史百官志尚輦局使從五品副使從六品掌承奉輿輦等直長正八品典輿都轄從九品○武罷署提點從五品令從六品丞從七品掌祭祀朝會



巡幸鹵簿儀仗旗鼓笛角之事直長正八品頭舍

官二員正八品

右屬殿前都點檢司

○宣徽院左宣徽使右

宣徽使掌殿庭禮儀所隸弩手傘子二百三十九

人控鶴二百人○拱衛直使司都指揮使從四品

副都指揮使從五品掌總統本直謹嚴儀衛鈴轄

正六品都轄從九品○侍衛司

舊名擎執局大定元年改為侍衛局

大定五年世局為司

令從六品掌侍奉朝儀率捧案擎蓋奉

輦各給其事直長正七品

右屬宣徽院

○大樂署兼鼓

吹署令一人從六品祿從七品掌施用之法樂

右屬

太常寺

謹案金史凡儀衛執仗之士其名有六曰護衛  
曰親軍曰弩手曰控鶴曰傘子曰長行分隸於  
殿前司及宣徽院蓋如今國簿之制以親軍護  
軍及各校尉分司執事也

元

元史百官志拱衛直都指揮使從四品掌控鶴六

百餘戶及儀衛之事至元三年始置都指揮使一員副使一員鈐轄一員提控案牘一員十六年陞正三品隸宣徽院二十年復為從四品二十五年改隸禮部元貞元年陞正三品皇慶元年置經歷一員二年改鈐轄為僉事至順二年定置達魯噶齊

解見戶部篇

一員正四品都指揮使四員正三品副

指揮使二員從三品僉事二員正四品經歷一員從七品知事一員從八品令史八人譯史一人其

屬控鶴百戶所從七品總十三所儀從庫掌收儀  
衛罷仗大使一員從七品副使一員從八品

謹案元有儀仗軍摺元史所載武宗至大二年  
十二月行朝賀禮樞密院調軍一千人備儀仗  
英宗至治元年十一月命有司選控鶴衛士及  
色目漢軍以備鹵簿儀仗文宗天歷元年十一  
月親祭太廟用儀仗併五色甲馬軍一千六百  
五十名仍命洪副使攝折衝都尉提調之是當

時亦多出臨事調撥並無定額不必盡取於拱衛直都指揮所屬之六百戶也

明

明史職官志錦衣衛恒以勲戚都督領之凡朝會巡幸則具鹵簿儀仗率大漢將軍

共一千五百七員

等侍

從扈行統中左右前後五所分鑾輿擎蓋扇手旌節幡幢班劍斧鉞戈戟弓矢馴馬十司各領將軍校尉以備法駕馴象所領象奴養象以供朝會陳

列駕輦馱寶之事

明會典吳元年置拱衛司秩正七品後改拱衛指揮使秩正三品尋又改為都尉司洪武三年改為親軍都尉府管左右中前後五衛軍士而設儀鸞司隸焉四年定儀鸞司為正五品設大使一人副使二人十五年罷儀鸞使改置錦衣衛秩從三品其屬有御椅等七員皆正六品設經歷掌文移出

入

孫承澤春明夢餘錄錦衣所掌者乃鹵簿儀仗之事旗手所司者乃旗纛金鼓之物諸衛皆統軍卒而錦衣獨領校尉力士諸衛正倅一惟其世獨錦衣之任則不必世而以能益御座則夾陛而立御輦則扶轅以行出警而入蹕承旨而傳宣皆在所司而治獄所寄則又重矣

明史職官志旗手衛本旗手千戶所洪武十八年改置掌大駕金鼓旗纛帥力士隨駕宿衛

謹案古者文謂之儀武謂之衛天子車駕次第  
謂之鹵簿歐陽修謂儀衛鹵簿之設所以尊君  
而肅臣故宋綬稱唐堯彤車有虞鸞和夏后之  
綬商人之路輦駕法物其權輿已肇於此至周  
而中車司常之屬職掌始著嗣是代有損益大  
約漢以後之太僕北齊以後之衛尉俱兼司其  
任至唐宋而儀文更臻詳備然考之於史唐宋  
法駕鹵簿執掌兵士至用二萬二千二百二十



一人南宋省約過半猶用六千六百八十九人  
冗役太多故當時郊祀賞賚靡濫最甚以致惜  
費憚行相沿成習殊為繁縟無當明初詔鹵簿  
彌文務從省節其數視唐宋為差少而錦衣掌  
衛者不惟供清道奉引之職乃復令兼司治獄  
事得專達中葉以後權勢大張擅竊國威恣行  
凌虐其權任遠出法司之上流弊至不可勝言  
而為之長者反得以恩倖受賞往往加至保傅

公侯其權貴子弟冒衛錦衣者至有二三千人  
歲耗度支無算名器冗褻至是為已極矣我

朝鑒儀衛即明代錦衣之職而官守嚴肅度數精

詳朔奉禮儀無不各共其事凡鹵簿儀仗之制

皆經

睿裁考定準今酌古條理得中起三代之隆文昭一  
王之盛軌列史儀衛志所載固未有如今日之  
整齊典重者洵足永垂法則焉

欽定四庫全書



欽定歷代職官表

欽定歷代職官表卷四十二